

JESU CHRISTI  
ANNUS  
106.

ANACLETI PAP.  
ANNUS  
4.

TRAIANI IMP.  
ANNUS  
7.

I. **A**nno Domini centesimosexto, Coss. Surano atque Marcello, Traianus Dacico bello confecto, Romam rediit: *Quem (inquit Dio a) Romam repetentem plurimæ barbararum gentium legationes, atque etiam Indorum legati adiere: addit bibliothecas extruxisse, & columnam ingentem statuisse in foro, quod dictum est Traianum, cæterorum omnium celeberrimum: ipsum enim præ cæteris Urbis nobilissimis structuris in admiratione habuisse Constantium Imper. cum Romam venit, tradit Ammianus his verbis: (a) Verum cum ad Traiani forum venisset, singularem, sub omni cælo structuram (ut opinamur) etiam numinum ascensione*

(a) Dio in Traiano.  
(a) Ammianus Marcel. lib. 16.

*mirabilem, hærebat attonitus, per gigantes contextus circumferens mentem, nec relatu effabiles, nec rursus mortalibus appetendos, &c. Hæc ipse, significans nimirum columnam cochlidem in medio forositam; quam hoc anno cæptam, nonnisi post septennium absolutam esse, demonstrant antiqua numismata, in quibus una cum Consulatu sexto ejusdem Imperatoris, quem gessit anno decimoquinto sui Imperii, ipsa columna una cum Traiani simulacro defuper collocata habetur expressa, ante vero illud tempus numquam ipsa columna effigiata alicubi reperitur; cujus rei indicem hic tibi antiquum nummum effigiandum curavimus.*

Columna Traiana.  
Opus

SÆC. II. ANNO PERIODI GRÆCO-ROMANÆ 5597.

Anno Urbis 857.  
Olymp. 220. an. 4.  
A. C. 104.

☉ I. GF. ☽ IO. P. 31. Mart. Indict. 2.

JESU CHRISTI 104. secundum Baronium 106.

EVARISTI PAPÆ IO.

TRAIANI IMP. 7.

I. Consules II. Secundus Traiani triumphus & Columna Traiana creata.

[1] **A**d num. I. & seq. Coss. Surano II., & Marcellus. Cum utrumque bellum Dacicum per annos ferme quinque duravit, ut jam diximus, Traianus, secundo bello Dacico confecto Romam non rediit, nisi exeunte anno Christi CVII. aut verosimilius, anno Christi CVIII. quo Decennap-

ta celebravit, & secundum triumphum Dacicum duxit. Patinus in Nummis Theauri Mauroceni pag. 116. unum Græcum Traiani producit, in quo legitur: L. I. A. id est, anno undecimo. Vistur in eo Quadriga triumphalis. Superfunt quidem multa hujus Imperatoris Latina Numismata, quæ ad istum triumphum spectant; sed cum in eis annus Tribunitiæ Potestatis non exprimitur, incertum quo anno illi cusi. Gruterus pag. CXC. 4. exhibet Inscriptionem Traiani, in qua is dicitur: GERMANICUS. DACICUS. PONT. MAXIM. TRIB. POTEST. XII. IMP. VI. COS. V. P. P. OPERIBUS. AMPLIATIS. RESTITUIT. Summa Tribunitia Potestas XII. a Traiano quinto Kalend. Novem. anni Christi CVII. Quare anno CVIII. dictus is Imperator VI. occasione secundi triumphus Dacici ac Imperii Augusti Decennialium, in quibus præcedentes victoriæ de more renovatæ, & opera publica, ut etiam moris erat, ampliata. Quoad Columnam Tra-

[1] **C**oss. Surano II. & Marcellus. Ex Norisii sententia, ut vidimus, hoc anno consules habentur: Traianus Aug. V. & ..... Maximus. Nummi Traiani, & lapis apud Panvinium, de quo Norisius in epistola consulari pag. 67. Lapis item apud Gruterum pag. CCXLVI. 8. cum Traiani TR. POT. VII. IMP. IV. COS. V. & pag. CCXLVII. 1. cum TR. POT. VIII. IMP. III. (mendose) COS. V. Alius lapis olim in hortis Colotianis, editus post vitam Angeli Colotti pag. 97. ex schedis Barberinis.

IMP. CAES. DIVI. NERVAE. F.  
TRAIANO &c.  
GERMANICO. DACICO. PARTHICO  
PONT. MAX. TRIBUNIC. POT. VII.  
IMP. IIII. COS. V.

Fabrettus pag. 413. num. 360.

IMP. CAESAR. NERVAE. F.  
TRAIANUS. AUGUSTUS  
GERMANICUS. DACICUS  
PONT. MAX. TRIBUNICIA. POTESTATE  
IMP. IIII. COS. V.

Fasti Idatiani: Suburano II. mendo librarii, & Marcello, qui ad A. D. 103. referendi sunt: ut habent Fasti Vindebonenses.